



XALQ DEPUTATLARI QOROVULBOZOR TUMANI KENGASHI QARORI

2022 - yil 30 - dekabr

VI-74-223-2-38-K/22

Qorovulbozor tuman hokimligi

Qorovulbozor tumanining 2023 yilgi mahalliy budjetini tasdiqlash to‘g‘risida

O‘zbekiston Respublikasi “Mahalliy davlat hokimiyati to‘g‘risida”gi Qonunining 6, 24-moddalari, Byudjet kodeksining 99-moddasi, “2023 yil uchun O‘zbekiston Respublikasining Davlat byudjeti to‘g‘risida”gi Qonuniga muvofiq hamda Xalq deputatlari Viloyat Kengashining qaroriga asosan, xalq deputatlari tuman Kengashi

QAROR QILADI:

1. O‘zbekiston Respublikasining “2023 yil uchun O‘zbekiston Respublikasining Davlat budjeti to‘g‘risida”gi Qonuni ijro va rahbarlik uchun qabul qilinsin.

2. O‘zbekiston Respublikasining “2023-yil uchun O‘zbekiston Respublikasining Davlat byudjeti to‘g‘risida” Qonuni va alq deputatlari Buxoro viloyat Kengashining qaroriga muvofiq, Qorovulbozor tuman mahalliy byudjetining 2023-yil uchun daromadlari 35595,3 mln.so‘m, xarajatlari 78688,6 mln so‘m prognoz qilinganligi hamda respublika byudjetidan ajratiladigan tartibga soluvchi byudjetlararo transfertlar 43093,3 mln.so‘m miqdorida tasdiqlanganligi ma’lumot uchun qabul qilinsin.

3. 2023 yil uchun Qorovulbozor tumanini rivojlantirishning asosiy makroiqtisodiy ko‘rsatkichlari prognozi hamda 2024-2025 yillarga maqsadli mo‘ljallari 1-ilovaga muvofiq, 2023 yil uchun tuman mahalliy budjeti daromadlari prognozi 2-ilovaga muvofiq ma’lumot uchun qabul qilinsin.

4. 2023 yil uchun tuman budjetidan ajratiladigan mablag‘larning cheklangan miqdorlari 3-ilovaga muvofiq tasdiqlansin.

5. 2023 yil uchun tuman budjetiga umumdavlat soliqlaridan ajratmalar normativlari 4-ilovaga muvofiq tasdiqlansin.

Bunda, ajratmalar normativlari bo'yicha viloyat mahalliy budjeti bilan tuman mahalliy budjetining taqsimotini o'rnatilgan tartibda Qorovulbozor tumani bo'yicha g'aznachilik bo'linmasi tomonidan amalga oshirilishi belgilab qo'yilsin.

6. 2023 yil uchun tuman mahalliy budjetining daromadlari va xarajatlarining prognozi 5-ilovaga muvofiq ma'lumot uchun qabul qilinsin.

7. 2023 yil uchun viloyat budjetidan tuman mahalliy budjetiga ajratiladigan tartibga soluvchi budjetlararo transfertlar miqdorlari 6-ilovaga muvofiq tasdiqlansin.

Bunda, tartibga soluvchi budjetlararo transfertlar miqdorini tuman mahalliy budjeti daromadlari prognozi ijrosidan qat'iy nazar kamaytirishga yo'l qo'yilmasligi Qonunda belgilab qo'yilganligi ma'lumot uchun qabul qilinsin.

8. 2023 yil uchun tuman mahalliy budjetining tuman budjeti zaxira jamg'armasi hajmlari 719,7 mln. so'm miqdorida belgilansin.

Tuman budjetining 2023 yil uchun zaxira jamg'armalari tegishli budjetlar tasdiqlangan umumiy xarajatlarining kamida 1,0 foizi miqdorida shakllantirilsin.

Qorovulbozor tuman budjetini ijro etishda yuqori turuvchi budjetdan ularga ajratiladigan budjetlararo transfertlarning prognozidan oshgan qismi uchun tegishli budjetlarining zaxira jamg'armalar miqdorlariga aniqlashtirish kiritilmasligi inobatga olinsin.

9. 2023 yil uchun tuman budjeti shaxsiy g'azna hisobvaraqlarida turgan budjet mablag'larining yo'l qo'yiladigan eng kam miqdori 7-ilovaga muvofiq belgilansin.

10. O'zbekiston Respublikasining mazkur Qonuni bilan 2023 yilda xalq deputatlari Kengashlarini mahalliy budjetlarni boshqarishda, xususan mahalliy budjet xarajatlarini hududiy budjet mablag'lari taqsimlovchilar kesimida tasdiqlash va ularning Kengash oldidagi hisobdorligini belgilash bo'yicha vakolatlari kengaytirilganligi inobatga olinsin.

Shuningdek, 2023 yilda quyidagi soliq turlari:

a) tuman budjetiga to'liq hajmda o'tkaziladi:

jismoniy shaxslardan olinadigan mol-mulk solig'i;

jismoniy shaxslardan olinadigan yer solig'i;

jismoniy shaxslarga tegishli mol-mulkni ijaraga berishdan oladigan yillik daromadi to'g'risidagi deklarasiyaga asosan to'laydigan, shuningdek yakka tartibdagi tadbirkorlar to'laydigan jismoniy shaxslardan olinadigan daromad solig'i;

aylanmadan olinadigan soliq;

qonunchilikda belgilangan miqdorlarda O'zbekiston Respublikasining Davlat budgetiga undiriladigan boshqa yig'imlar (bojxona organlari tomonidan undiriladigan yig'imlardan, g'ildirakli transport vositalari, o'ziyurar mashinalar va ularning tirkamalari uchun undiriladigan utilizasiya yig'imidan, shuningdek avtotransport vositalari oynalarining tusini o'zgartirishga (qoraytirishga) ruxsatnoma berish uchun to'lovdan tashqari);

suv resurslaridan foydalanganlik uchun soliq, bundan elektr stansiyalari tomonidan to'lanadigan soliq mustasno;

ayrim turdagi tovarlarning chakana savdosiga doir huquq uchun yig'imlar;

qurilish materiallari bo'yicha yer qa'ridan foydalanganlik uchun soliq;

Mobil aloqa xizmatlari uchun aksiz solig'i va alkogol maxsulotlari, shu jumladan pivo uchun aksiz solig'idan tushumlar 2022 yil 1 iyul holatiga ko'ra tuman aholisining viloyat aholisidagi ulushiga muvofiq hisob-kitob qilinsin.

b) Buxoro viloyatining viloyat mahalliy budgetiga to'liq hajmda o'tkaziladi:

yuridik shaxslarning mol-mulkiga solinadigan soliq;

yuridik shaxslardan olinadigan yer solig'i;

elektr stansiyalari tomonidan to'lanadigan suv resurslaridan foydalanganlik uchun soliq;

benzinni, dizel yoqilg'isini va gazni yakuniy iste'molchilarga realizasiya qilishdagi aksiz solig'i;

qonunchilikda belgilangan miqdorlardagi davlat bojlar (patent bojaridan va lisenziyalar berganlik uchun davlat bojaridan tashqari);

qonunchilikda belgilangan miqdorlarda O'zbekiston Respublikasining Davlat

budjetiga undiriladigan jarimalar;

qonunchilikda belgilangan miqdorlarda davlat daromadiga o'tkazilgan mulkni realizatsiya qilishdan tushgan tushumlar, mahalliy davlat hokimiyati organlarining ulushi bo'yicha dividendlar (daromadlar) va ajratmalar;

davlat aktivlarini joylashtirishdan, foydalanishga (ijaraga) berishdan va sotishdan qonunchilikda belgilangan normativlar bo'yicha olingan daromadlar;

xususiylashtirishdan tushgan tushumlar va boshqa soliqlar.

v) jismoniy shaxslardan olinadigan daromad solig'i viloyat budjeti hamda tumanlar va shaharlar budjetlari o'rtasida taqsimlanadi.

11. O'zbekiston Respublikasi Prezidentining "Jamoatchilik fikri asosida shakllantiriladigan loyihalarni moliyalashtirish ko'lamini kengaytirish chora-tadbirlari to'g'risida" 2022 yil 25 oktyabrdagi PQ-409-son qaroriga asosan 2023 moliya yilidan boshlab:

a) "Obod qishloq" va "Obod mahalla" dasturlari doirasida moliyalashtiriladigan tadbirlar jamoatchilik fikri asosida "Ochiq budjet" axborot portali orqali ovoz berish yo'li bilan aniqlanadi.

Bunda, aholi tomonidan amalga oshirilishi taklif etilayotgan tadbirlar har bir mahalla bo'yicha bitta loyihalar paketi shaklida ovozga qo'yilishi;

b) Qoraqalpog'iston Respublikasi respublika budjeti, viloyatlarning viloyat budjetlari va Toshkent shahrining shahar budjetida shakllangan qo'shimcha mablag'larning 30 foizi tuman (shahar)larda jamoatchilik fikri asosida shakllantirilgan tadbirlarni moliyalashtirish uchun tuman (shahar)lar Fuqarolar tashabbusi jamg'armalariga mavjud aholi soni va mahallalar sonidan kelib chiqib, teng ulushlarda yo'naltirilishi;

v) tashabbusli budjetlashtirish jarayonlari uchun tuman (shahar) budjetlarining

5 foizi miqdorida, biroq kamida 6 milliard so'm mablag' rejalashtirilishi belgilanganligi;

g) "Obod qishloq" va "Obod mahalla" dasturlarini jamoatchilik fikri asosida tashabbusli budjetlashtirish jarayonlari orqali amalga oshirilishining yangi tartibi ishlab chiqilishi ma'lumot uchun qabul qilinsin.

12. Tuman hokimining moliya – iqtisodiyot va kambag'allikni qisqartirish

masalalari bo'yicha birinchi o'rinbosari, tuman hokimligi moliya bosh bo'limi (A.Davronov), tuman Davlat soliq inspeksiyasi (A.G'afurov) tuman hokimligi va mas'ul bo'lim va tashkilotlar bilan birgalikda:

budjetni birinchi navbatda ish haqi va unga tenglashtirilgan to'lovlar, oziq-ovqat va dori-darmon va kommunal xizmatlar xarajatlarining rejalashtirilishini nazarda tutgan holda shakllantirish;

mahalliy budjet prognoz ko'rsatkichlarni o'z vaqtida va samarali bajarish;

budjet mablag'laridan maqsadli va samarali foydalanish;

budjet intizomiga rioya etilishi ustidan nazorat va mas'uliyatni yanada kuchaytirish;

tuman mahalliy budjetiga soliqlar va boshqa majburiy to'lovlarning to'liq tushumini ta'minlash;

budjet daromadlar bazasini oshirish va qo'shimcha rezervlarni aniqlash zarurligiga alohida e'tibor qaratsin.

13. Tuman davlat soliq inspeksiyasi (A.G'afurov) O'zbekiston Respublikasi Soliq kodeksida belgilangan vakolatlaridan kelib chiqib:

soliqlarning to'liq va to'g'ri hisoblanishini hamda ushbu soliqlarni o'z vaqtida budjetga undirilishi ustidan soliq nazoratini kuchaytirish;

yer solig'i, suv resurslaridan foydalanganlik uchun soliq va mol-mulk soliqlari bo'yicha doimiy tahlillar o'tkazgan holda, soliqlarni to'liq hisoblanishini ta'minlash hamda ushbu soliq to'lovlari bo'yicha soliq qarzdorligiga yo'l qo'ymaslik choralari ko'rish;

aylanmadan soliq turi bo'yicha soliq to'lovchilar tomonidan naqd pul aylanmalarining soliq hisobotlarida to'liq aks ettirilishi ustidan doimiy soliq nazoratini o'rnatish hamda zarur hollarda xronometraj va kameral soliq nazorati tadbirlarini o'tkazish;

Bunda, mazkur yo'nalishda jamoatchilik nazoratini kuchaytirish maqsadida fuqarolarga xarid chekini talab qilib olishni targ'ib etuvchi ijtimoiy roliklar hamda video materiallar tayyorlab, ijtimoiy tarmoqlar va ommaviy axborot vositalarida keng targ'ibot-tashviqot ishlarini olib borishga alohida e'tibor qaratish;

xatlov ishlarini samarali tashkil etish orqali yer va mol-mulk solig'ining soliq

bazasini oshirish;

Kadastr agentligi tuman bo‘limi bilan birgalikda tumanda mavjud soliq to‘lovchilarning mol-mulklari maydonlarini chuqur tahlil etgan holda ushbu mol-mulklarga nisbatan soliqlarni to‘liq hisoblanishini ta‘minlasin.

13. Tuman davlat soliq inspeksiyasi (A.G‘afurov), tuman hokimligi bilan birgalikda:

noruda qurilish materiallarini qazib olish sohasida noqonuniy faoliyat olib borayotgan karerlarni aniqlash bo‘yicha xatlovlar o‘tkazish;

xatlov natijalari bo‘yicha aniqlangan noqonuniy faoliyat olib borayotgan karerlar faoliyatini qonuniylashtirish hamda ularni soliq bazasiga qamrab olish;

noruda qurilish materiallarini qazib olish sohasida faoliyat olib borayotgan karerlar tomonidan qazib olinayotgan noruda qurilish materiallar hajmining soliq hisobotlarida to‘liq aks ettirilishi ustidan doimiy nazorat o‘rnatsin.

Bunda, ushbu sohada faoliyat olib borayotgan karerlarning qazib olish hajmlarini doimiy tahlil qilib borish hamda zarur hollarda qazib olish hajmlarini aniqlashda mahalliy budjetning qo‘shimcha manbalari hisobidan “marksheydrlik” xizmatlaridan foydalanish lozimligi alohida belgilab qo‘yilsin.

14. Majburiy ijro byurosi tuman bo‘limi (B.Halimov) tuman davlat soliq inspeksiyasi (A.G‘afurov) bilan hamkorlikda soliqlar va boshqa majburiy to‘lovlar bo‘yicha mavjud soliq qarzdorliklarini budjetga undirish yuzasidan tegishli choralar ko‘rib borsin hamda choraklar yakuni bilan soliq qarzdorliklarining chorak boshiga nisbatan kamayib borishi bo‘yicha barcha kompleks chora-tadbirlar ko‘rib borishni ta‘minlasin.

15. Tuman hokimining moliya – iqtisodiyot va kambag‘allikni qisqartirish masalalari bo‘yicha birinchi o‘rinbosari (D.Djumayev), hokim yordamchilari va tuman mahallabay ishlash markazi (A.Ramazonov) bilan birgalikda:

bo‘sh turgan davlat mulki ob‘yektlarini aniqlash bo‘yicha xatlov ishlarini samarali tashkil etish;

xatlov natijalariga ko‘ra viloyatda mavjud bo‘sh turgan davlat mulki ob‘yektlari ro‘yxatini shakllantirish;

shakllantirilgan ro‘yxatga asosan bo‘sh turgan davlat mulki ob‘yektlarini

ijaraga berish yoki sotish bo'yicha tegishli takliflar tayyorlash;

bo'sh turgan davlat mulki ob'yektlarini ijaraga berish yoki sotish bo'yicha ijtimoiy tarmoqlar va ommaviy axborot vositalarida roliklar va video-materiallar tayyorlash;

xususiylashtirilishi mo'ljallangan bo'sh turgan davlat mulki ob'yektlarini «e-ijro auksion» maydonchasi orqali sotish ishlarini tashkillashtirsin.

16. Tuman hokimining moliya – iqtisodiyot va kambag'allikni qisqartirish masalalari bo'yicha birinchi o'rinbosari (D.Djumayev), hokim yordamchilari va tuman mahallabay ishlash markazi (A.Ramazonov), tuman davlat soliq inspeksiyasi (A.G'afurov), tuman moliya bo'limi (A.Davronov) davlat korxonalari hamda ustav kapitalida 50 foiz va undan ortiq davlat ulushi mavjud bo'lgan yuridik shaxslar tomonidan 2023 yilning 1 iyuliga qadar 2022 yil yakunlari bo'yicha o'z sof foydasining 50 foizidan kam bo'lmagan miqdoridagi ajratmalar va davlat ulushi bo'yicha dividendlarni 2023 yilning 1 sentyabridan kechiktirmay tegishli darajadagi budjetlarga o'tkazilishini ta'minlasin.

17. Tuman hokimining moliya – iqtisodiyot va kambag'allikni qisqartirish masalalari bo'yicha birinchi o'rinbosari (D.Djumayev), hokim yordamchilari va tuman mahallabay ishlash markazi (A.Ramazonov), tuman davlat soliq inspeksiyasi (A.G'afurov) bilan birgalikda tashqi reklama ob'yektlarini to'liq xatlovdan o'tkazgan holda, ushbu tashqi reklama ob'yektlari bo'yicha shartnomalar tuzish choralari ko'rsin hamda ushbu shartnomalar bo'yicha yig'imlarni budjetga to'lanishi ustidan doimiy nazorat o'rnatish.

18. Tuman irrigasiya bo'limi (I.Tursunov) va tuman davlat soliq inspeksiyasi (A.G'afurov) tuman hokimligi bilan birgalikda tumanda sug'orishga sarflanayotgan suv hajmlari bo'yicha aniq hisob-kitoblar yuritgan holda mazkur iste'mol hajmlari bo'yicha suv resurslaridan foydalanganlik uchun soliqlarni to'liq hisoblanishini hamda moliya yili yakuniga qadar mahalliy budjetga to'liq undirib olish choralari ko'rsin.

Bunda, qishoq xo'jaligi korxonalari tomonidan iste'mol qilinayotgan suv resurslari hajmlari va ushbu hajmlar bo'yicha hisoblanayotgan suv soliqlari bo'yicha doimiy tahlillar o'tkazishga alohida e'tibor qaratilsin.

19. Tuman ichki ishlar bo'limi (F.Vafoyev), tuman yo'l harakati xavfsizligi bo'limi (A.Asadov), majburiy ijro byurosi tuman bo'limi (B.Halimov), Davlat

xizmatlari agentligi tuman bo'limi (N.Halimov) hisoblangan boj, jarima va yig'implarni o'z vaqtida o'rnatilgan tartibda budjetga undirish choralari ko'rib borsin.

20. Tuman moliya bo'limi, xalq ta'limi, maktabgacha ta'lim va sog'liqni saqlash muassasalari bilan birgalikda:

budjet intizomiga qat'iy rioya etilishi ustidan doimiy monitoring ishlari kuchaytirish;

o'tkazilgan nazorat tadbirlari yakuni bo'yicha kamomad va noqonuniy o'zlashtirishga yo'l qo'ygan soha rahbarlarining hisoboti xar chorakda eshitib borishni ta'minlasin.

21.Xalq deputatlari tuman Kengashining mahalliy budjet, iqtisodiy islohotlarni amalga oshirish, investisiyalar va tadbirkorlikni rivojlantirish masalalari bo'yicha doimiy komissiyasiga:

mahalliy budjetning qo'shimcha manbalaridan foydalanish to'g'risidagi hokimlik tomonidan taqdim etiladigan takliflarini belgilangan muddatlarda jamoatchilik muhokamasidan o'tkazish va budjet qonunchiligiga to'liq rioya etilgan holda Kengash qaror loyihasini ishlab chiqish;

Kengash qarori asosida mahalliy budjetning qo'shimcha manbalari hisobidan ajratilgan mablag'larni samarali va maqsadli foydalanishi ustidan nazorat o'rnatish, tavsiyalar berish va monitoring qilish;

mahalliy budjet xarajatlarining qonunchilikda belgilangan qismining jamoatchilik fikri asosida shakllantirilgan tadbirlarni moliyalashtirishga yo'naltirilishida ishtirok etish va ushbu mablag'larning maqsadli sarflanishi ustidan nazoratni amalga oshirish vazifasi topshirilsin.

22.Tuman hokimligiga:

tuman budjeti jami xarajatlarining 5 foizi hamda shakllangan qo'shimcha mablag'larining kamida 30 foizini jamoatchilik fikri asosida shakllantiriladigan tadbirlarni moliyalashtirish uchun "Fuqarolar tashabbusi jamg'armasi"ga yo'naltirishni;

bunda, xalq deputatlari tuman Kengashi, yoshlar ishlar agentligi, tuman hokimliklari huzuridagi jamoatchilik Kyengashlari hamda hokim yordamchilari budjet jarayonida fuqarolarning faol ishtirokini ta'minlash maqsadida aholiga keng

targ'ibot-tashviqot ishlarini olib borishni tavsiya etish;

mahalliy byudjetning qo'shimcha manbalari hisobidan xarid qilingan tovarlar va xizmatlar, qurilish, rekonstruksiya qilish va ta'mirlash ishlari olib borilayotgan ob'yektlar ro'yxati, shuningdek qurilish-ta'mirlash ishlarining moliyalashtirilishi to'g'risidagi ma'lumotlar har chorak yakunlariga ko'ra, keyingi chorak birinchi oyining 10 sanasiga qadar majburiy tartibda tegishli hokimlik rasmiy veb-saytlariga joylashtirib borish topshirilsin.

23. Tuman hokimining moliya – iqtisodiyot va kambag'allikni qisqartirish masalalari bo'yicha birinchi o'rinbosari, iqtisodiy taraqqiyot va kambag'allikni qisqartirish bo'limi bilan birgalikda:

mahalliy budjet daromad va xarajatlarining prognoz ko'rsatkichlari bajarilishi hamda soliq bazasini kengaytirish yuzasidan ko'rilgan chora-tadbirlar;

ajratilgan budjet mablag'laridan maqsadli va samarali foydalanishi yuzasidan erishilgan natijalar bo'yicha xalq deputatlari viloyat Kengashiga chorakda kamida bir marotaba hisobot kiritib borsin.

24. Mazkur qaror "Qorovulbozor tongi" gazetalarida rasmiy e'lon qilinsin hamda tuman hokimligining rasmiy veb-saytiga joylashtirilsin.

25. Ushbu qaror rasmiy e'lon qilingan kundan boshlab kuchga kiradi.

26. Mazkur qarorning bajarilishini nazorat qilish xalq deputatlari tuman Kengashining mahalliy budjet, iqtisodiy islohotlarni amalga oshirish, investisiyalar va tadbirkorlikni rivojlantirish masalalari bo'yicha doimiy komissiyasi zimmasiga yuklansin.

Kengash raisi



A.Ostonov

Xalq deputatlari Qorovulbozor tuman
Kengashining
2022 yil 30 dekabrda
VI-74-223-2-38-K/22-son qaroriga
1-ilova

**Qorovulbozor tumanining 2023 yilga rivojlantirishning makroiqtisodiy ko'rsatkichlari
prognoz ko'rsatkichlari hamda 2024-2025 yilga mo'ljallari**

№	Ko'rsatkichlar	2023 yil uchun prognoz	Mo'ljal	
			2024 yil	2025 yil
1	Iste'mol narxlari indeksi, dekabrda avvalgi yil dekabr oyiga nisbatan, foizda	110,0	110,0	110,0
2	Sanoat mahsulotlarining o'sish sur'ati, foizda	104,0	106,0	106,0
3	Qishloq, o'rmon va baliq xo'jaliklarida ishlab chiqarishning o'sish sur'ati, foizda	103,3	103,0	103,0
4	Chakana tovar aylanmasining o'sish sur'ati, foizda	110,0	110,0	111,0

Xalq deputatlari Qorovulbozor tuman
Kengashining
2022 yil 30 dekabrda
VI-74-223-2-38-K/22-son qaroriga
2-ilova

**Qorovulbozor tuman mahalliy byudjeti daromadlarining
2023 yildagi asosiy prognoz ko'rsatkichlari**

mln.so'mda

T/R	Daromad turlari	Jami
1	Yuridik shaxslardan olinadigan foyda solig'i	0,0
2	Aylanmadan olinadigan soliq	2 534,0
3	Jismoniy shaxslardan olinadigan daromad solig'i	12 943,0
4	Qo'shilgan qiymat solig'i	0,0
5	Aksiz solig'i, jami	0,0
	<i>shu jumladan:</i>	0,0
	<i>- benzin, dizel yoqilg'isi va gaz realizatsiyasidan soliq</i>	0,0
6	Yuridik shaxslarning mol-mulkiga solinadigan soliq	1 169,0
7	Jismoniy shaxslarning mol-mulkiga solinadigan soliq	1 048,0
8	Yuridik shaxslar yer solig'i	4 123,5
9	Jismoniy shaxslardan olinadigan yer solig'i	4 964,0
10	Er qa'ridan foydalanganlik uchun soliq (noruda materiallari)	476,0
11	Suv resurslaridan foydalanganlik uchun soliq	5 180,0
12	Davlat boji	0,0
13	Jarimalar	0,0
14	Ijara to'lovi	29,0
15	Davlat tashkilotlarining sof foydasidan daromad	0,0
16	Yig'imlar	0,0
17	Xususiyashtirish	0,0
18	Boshqalar	0,0
JAMI		32 466,5
19	O'tkazib beriladigan daromad	3 128,8
20	Tartibga soluvchi byudjetlararo transfertlar	43093,3
HAMMASI		78 688,6

Xalq deputatlari Qorovulbozor tuman
Kengashining
2022 yil 30 dekabrda
VI-74-223-2-38-K/22-son qaroriga
3-ilova

2023 yil uchun Qorovulbozor tumani byudjetidan ajratiladigan mablag'larning cheklangan miqdorlari

		mln.so'mda
№	Ko'rsatkichlar	Miqdori
	Xarajatlar miqdori, Jami	78 688,6
	<i>shu jumladan:</i>	
	joriy xarajatlar	34 990,8
	ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	0,0
	Advokatlik xizmatiga haq to'lash uchun ajratilgan mablag'lar	0,0
	Tuman va shaxar mahalliy byudjetlariga transfertlar	43 697,8
1.	Tuman maktabgacha ta'lim bo'limi	4 016,4
	<i>shu jumladan:</i>	
	joriy xarajatlar	4 016,4
	ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
2.	Tuman xalq ta'limi bo'limi	4 198,9
	<i>shu jumladan:</i>	
	joriy xarajatlar	4 198,9
	ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
4.	Tuman sog'liqni saqlash muassasalari	24 154,2
	<i>shu jumladan:</i>	
	joriy xarajatlar	24 154,2
	ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
5.	Tuman madaniyat bo'limi	3 711,3
	<i>shu jumladan:</i>	
	joriy xarajatlar	3 711,3
	ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
6.	Bolalar va o'smirlar sport maktabi	4 202,3
	<i>shu jumladan:</i>	
	joriy xarajatlar	4 202,3
	ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
7.	Tuman qishloq xo'jaligi bo'limi	1 012,4

	shu jumladan:	
	joriy xarajatlar	1 012,4
	ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
8.	Tuman irrigatsiya bo'limi	2 046,3
	shu jumladan:	
	joriy xarajatlar	2 046,3
	ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
9.	Tuman hokimligi moliya bo'limi	45 270,2
	shu jumladan:	
	joriy xarajatlar	1 572,4
	Tuman va shaxar mahalliy byudjetlariga transfertlar	43 697,8
10.	Tuman veterinariya bo'limi	1 139,6
	shu jumladan:	
	joriy xarajatlar	1 139,6
	ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
11.	Tuman aholi bandlikga ko'maklashish markazi	947,4
	shu jumladan:	
	joriy xarajatlar	947,4
	ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
12.	Tuman hokimligi	27 117,9
	shu jumladan:	
	joriy xarajatlar	27 117,9
	ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
13.	Tuman maxalla va nuroniylarni qo'llab-quvvatlash bo'limi	1 298,1
	shu jumladan:	
	joriy xarajatlar	1 298,1
	ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
14.	Yoshlar ishlari agentligi Qorovulbozor tuman bo'limi	1 236,0
	shu jumladan:	
	joriy xarajatlar	1 236,0
	ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
15.	Xalq qabulxonasi	728,9
	shu jumladan:	
	joriy xarajatlar	728,9
	ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
16.	Xalq deputatlari tuman Kengash kotibiyati	275,9
	shu jumladan:	

	joriy xarajatlar	275,9
	ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
17.	Qorovulbozor tumani oila va xotin-qizlar bo'limi	1 030,5
	<i>shu jumladan:</i>	
	joriy xarajatlar	1 030,5
	ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	

Xalq deputatlari Qorovulbozor tuman Kengashining
2022 yil 30 dekabrda
VI-74-223-2-38-K/22-son qaroriga
4-ilova

Umumdavlat soliqlaridan Qorovulbozor tuman mahalliy byudjetiga 2023 yildagi ajratmalari me'yorlari

foiz hisobida

T/R	Shaxar va tumanlar nomi	Yuridik shaxslardan olinadigan foyda solig'i	Aylanmadan olinadigan soliq	Jismoniy shaxslardan olinadigan daromad solig'i**	Yakka tartibdagi tadbirkorlar uchun jismoniy shaxslardan olinadigan daromad solig'i	Yakuniy iste'molchilarga benzin, dizel yoqilg'isi va gaz realizatsiya qilishdagi aksiz solig'i	Yuridik shaxslarning mol-mulkiga solinadigan soliq*	Jismoniy shaxslarning mol-mulkiga solinadigan soliq	Yuridik shaxslar yer solig'i*	Jismoniy shaxslardan olinadigan yer solig'i
1	Qorovulbozor tumani	0	100	30	100	0	100	100	50	100

T/R	Shaxar va tumanlar nomi	Er qa'ridan foydalanganlik uchun soliq (noruda materiallari)	Suv resurslaridan foydalanganlik uchun soliq	Davlat bojlari	Jarimalar	Yig'imlar	Davlat tashkilotlari foyda solig'i***	Davlat mulki bo'yicha jara to'lovlari	Xususiy tash-tirish	Boshqalar****
2	Qorovulbozor tumani	100	100	0	0	0	0	100	0	0

Izoh:: * yirik soliq to'lovchilardan tushgan tushumlar to'liq viloyat byudjetiga yo'naltiriladi.

** Jismoniy shaxslardan olinadigan daromad solig'i bo'yicha 3111104, 3111106, 3111300, 3111600, 3111800 daromad kodlariga tushadigan mablag'lar to'liq tuman mahalliy byudjetlariga yo'naltiriladi.

*** Davlat unitar korxonalarining sof foydasidan davlat byudjetiga ajratmalar bo'yicha 3412110, 3412112 daromad kodlariga tushadigan mablag'lar to'liq viloyat byudjeti daromadlariga yo'naltiriladi.

**** Hukumat qarorlari bilan belgilangan normativlarga asosan taqsimlanadi.

Xalq deputatlari Qorovulbozor tuman
Kengashining
2022 yil 30 dekabrda
VI-74-223-2-38-K/22-son qaroriga
5-ilova

**Qorovulbozor tuman mahalliy byudjetining
2023 yil daromadlari va xarajatlariing chegaraviy hajmi**

mln.soʻmda

Byudjetlar nomi	Daromad *	Xarajat
JAMI	35 595,3	78 688,6
Qorovulbozor tumani	35 595,3	78 688,6

** mobil aloqa xizmatlari uchun aksiz soligʻi va alkogol maxsulotlari, shu jumladan pivo uchun aksiz soligʻidan tushumlar boʻyicha oʻtkazib beriladigan daromadlar bilan birgalikda.*

Xalq deputatlari Qorovulbozor tuman
Kengashining
2022 yil 30 dekabrda
VI-74-223-2-38-K/22-son qaroriga
6-ilova

**Qorovulbozor tuman mahalliy byudjetining 2023 yilgi yuqori byudjetdan
ajratiladigan tartibga soluvchi byudjetlararo transfertlar miqdorlari**

mln.soʻmda

Shahar va tumanlar	Tartibga soluvchi transfert miqdori
JAMI	43 093,3
<i>shundan</i>	
Qorovulbozor tumani	43 093,3

Xalq deputatlari Qorovulbozor tuman
Kengashining
2022 yil 30 dekabrda
VI-74-223-2-38-K/22-son qaroriga
7-ilova

**Qorovulbozor tuman mahalliy byudjetida
2023 yilda yo‘l qo‘yiladigan eng kam mablag‘lar miqdori**

mln.so‘mda

T/r	Hudud nomi	Miqdor
	JAMI	598,0
	<i>shundan</i>	
1	Qorovulbozor tumani	598,0